

Confession Scriptures

Esra 9:7; Nehemia 9:2 - Nnwom 106:6 Yεayε bɔne senea yεn nenanom yεe no;  
yεayε amumoyε ne bɔne bebree. Esra 9:13 - Nnwom 103:10 Ontua  
yεn ka senea εfata yεn, anaase ontua yεn bɔne ne yεn mfomso so ka.

Nnwom 24:3,4 Hena na ɔwɔ tumi sε ɔkɔ Awurade bepɔw so? Hena na obetumi akɔ  
ne fi kronkron no mu? 4 Εyε wɔn a wɔyε ade trenee na wodwen adwene pa na  
wɔnsom anyame na wɔnhyε bɔ hunu no. Nnwom 73:13 Tew a  
matew me ho kroon a menyε bɔne biara no ho nni mfaso anaa?

Yesaia 59:2 na mmom mo amunoyε ne nea εma mo ne mo Nyankopɔn ntam pan,  
na mo bɔne na akata n'ani afi mo ho a enti ontie.

Yesaia 64:6 Na yεn nyinaa ayε sε nea ne ho ntew, na yεn adetrenε nyinaa te sε  
ntamagow afiafi; na yεn nyinaa kisa sε ahaban, na yεn amumoyε soa yεn kɔ sε  
mframa. Yeremia 5:25 Mo amumoyε  
na ama eyinom adan, na mo bɔne na ama adepa abɔ mo.

Daniel 9:8,9 Awurade, yεn na aminguase wɔ yεn, yεn ahene, yεn mmapɔmma ne  
yεn agyanom, sε yεayε wo bɔne ntia; 9 Awurade yεn Nyankopɔn na  
mmɔborohunu ne fafiri wɔ no, na yεatew a'anim atua,

Mateo 6:10 W'ahenni mmra. Nea wɔrε nyε asase so, senea εyε ɔsoro.

Marko 9:24 Abarimaa no agya buae se, "Mewɔ gyidi no nanso esua, enti boa me,  
na hyε me gyidi mu den!"

Luka 11:2 Oka kyereε wɔn se, "Sε morebɔ mpae a, monka se, 'Agya, wo din ho  
ntew. W'ahenni mmra.

Yohane 14:6 Yesu buae se, "Mene kwan no, ne nokware no, ne nkwa no; obi  
ntumi nkɔ Agya no hɔ gye sε ɔfa me so."

Yohane 17:15 Mimmisa wo sε yi wɔn fi wiase, na mmom, mesrε sε, bɔ wɔn ho ban  
fi ɔbonsam nsam.

Yakobo 4:8 Mommen Onyankopɔn, na ɔno nso bεben mo. Monhohoro mo nsa ho,  
mo nnebɔneyεfo! Montew mo koma mu, mo nyaatwomfo!

Romafo 6:12-14 Ɛnse sε bɔne di mo nipadua a ewui no so na amma mo anyε  
bɔne. 13 Saa ara nso na ɛnse sε mugyaa mo ho baabiara ma bɔne ma wogyina  
so de yε amumoyεde. Na mmom, momfa mo ho mma Onyankopɔn sε nnipa a  
wɔnyan mo afi owu mu aba nkwa mu, na momfa mo ho nyinaa mma no na  
ɔmfa mo nyε nnwuma pa. 14 Ɛnse sε bɔne di mo so. Monhyε Mmara ase na  
mmom mohyε Onyankopɔn adom ase.

Hebrifo 9:28 Saa ara na wɔde Kristo nso bɔɔ afɔre baako pε de gyee dodow no ara  
wɔ wɔn bɔne mu. ɔbεba ne mprenu so a ommegye nnebɔneyεfo na mmom  
ɔbεba abegye wɔn a wɔretwεn no no nkwa.

1 Yohane I 1:9 Sε yεka yεn bɔne kyere Onyankopɔn a, ɔyε ɔnokwafo ne otreneeni  
sε ɔde yεn bɔne bεkyε yεn, na watεw yεn ho afi nea ɛntεs nyinaa ho.

Forgiveness Scriptures

Mateo 6:12-15 na fa yεn aka firi yεn, senea yεde firi wɔn a wɔde yεn aka. 13 Mfa

yen nkɔ sɔhwɛ mu. Na yi yen fi ɔbɔnefo no nsam. Amen.” 14 Se mode wɔn a wɔfom mo mfomso firi wɔn a, mo nso mo soro agya de mo mfomso befiri mo. 15 Nanso, se moamfa wɔn a wɔfom mo mfomso amfiri wɔn a, mo soro agya no nso remfa mo mfomso mfiri mo.

Mateo 18:21,22 Petro baa Yesu nkyɛn bebisaa no se, “Awurade, mpɛn ahe na se me nua fom me a, memfa nkyɛ no? Mpɛn ason anaa?” 22 Yesu buaa no se, “Dabi! Mpɛn aduɔson ahorow ason!

Mateo 18:35 Saa ara na se moamfa mo nuanom mfomso ankyɛ wɔn a, me soro Agya nso, remfa mo mfomso nkyɛ mo.”

Marko 11:25,26 Na se morebɔ mpaɛ a, nea edi kan no, se wowɔ obi ho asem a, fa kye no senea εβεγε a w'agya a ɔwɔ soro no nso de wo bɔne bɛkyɛ wo.” 26 Na se moamfa bɔne ankyɛ a, saa ara na mo Agya a ɔwɔ soro no nso remfa mo bɔne nkyɛ mo.

Luka 6:37 Mummmu ntɛn, na wɔammu mo ntɛn; mummmu fɔ, na wɔammu mo fɔ; momfa mfiri, na wɔde afiri mo.

Luka 11:4 Fa yen bɔne kye yen senea yen nso, yede wɔn a wɔfom yen no bɔne kye wɔn no. Na nnyaa yen mma yɛnnkɔ sɔhwɛ mu.”

Luka 17:3,4 Enti monhwɛ mo ho so yiye. Se wo nua fom wo a, ka n'anim na se onu ne ho a, fa ne bɔne kye no. 4 Se nso ɔfom wo mpɛn ason da koro na mpɛn dodow a ɔfom wo no nyinaa, ɔde ahonu srɛ wo a, fa kye no.”

Luka 23:34 Yesu kae se, “Agya, fa kye wɔn, efise, wonnim nea wɔreyɛ.” Afei asraafo no kyekyɛɛ ne ntade mu bɔɔ so ntonto fae.

Asomafo 8:22 Sakra w'adwene fi wo bɔne yi ho na bɔ mpaɛ srɛ Onyankopɔn se ɔmfa wo bɔne mfiri wo.

Romafo 4:7 “Nhyira nka wɔn a wɔde wɔn bɔne akyɛ wɔn, na wɔn na wɔakata wɔn bɔne so.

Efesofo 1:7 Kristo wu a owui no ama yɛade yen ho. Ekyerɛ se wɔde yen bɔne akyɛ yen;

Efesofo 4:32 Monyɛ mo ho mo ho adɔe na momfa mo mfomso nkyekyɛkyekyɛ mo ho mo ho senea Onyankopɔn nam Kristo so de mo bɔne kyɛɛ mo no.

Kolosefo 1:14 na ne nti na wɔama yɛade yen ho na wɔde yen bɔne akyɛ yen.

Kolosefo 2:13-15 Esiane mo bɔne nti, bere bi a atwam no, na moyɛ honhom mu awufo na afei εma moyɛɛ Amanamanmufo a munni Mmara. Nanso afei Onyankopɔn agye mo nkwa de mo abata Kristo ho. Onyankopɔn de yen nyinaa bɔne akyɛ yen. 14 ɔnam ne mmara so atwa yen bɔne mu afi ne nhoma mu abɔ yen bɔne no aseennua mu. 15 Saa aseennua no so na Kristo gyee ne ho fii honhom mu atumfo nsam. Bere a Onyankopɔn maa Kristo dii nkɔnim wɔ aseennua a εpataa yen bɔne no so no, ɔmaa wiasefo nyinaa hui.

1 Yohane I 1:9 Se yɛka yen bɔne kyerɛ Onyankopɔn a, ɔyɛ ɔnokwafo ne ɔtrenneeni se ɔde yen bɔne bɛkyɛ yen, na watew yen ho afi nea εntɛɛ nyinaa ho.

1 Yohane I 2:12 Me mma, merekyerɛw mo efise, esiane Kristo din nti, wɔde mo bɔne afiri mo.

Pastor T. John Franklin

Church of Salvation, Healing, and Deliverance - COS-HAD.org